

Broj:02-11-8858/24-17
Mostar, 10.10.2024.godine

Na temelju članka 69. stavak (2) točka a) i članka 70. stavak (1), (4) i (6) Zakona o javnim nabavkama („Službeni glasnik BiH“ broj 39/14, 59/22 i 50/24) (Zakon) i članka 43. Statuta Grada Mostara („Gradski službeni glasnik Grada Mostara“ broj: 4/04, „Službeni glasnik Grada Mostara“ broj: 8/09 i 15/10), Gradonačelnik Grada Mostara donio je

O D L U K U
o poništenju postupku nabavke
Pametnih biciklističkih odmorišta

Članak 1.

- (1) **Predmet javne nabavke** (u daljem tekstu: nabavka): Javna nabavka Pametnih biciklističkih odmorišta
- (2) **Procijenjena vrijednost nabavke:** 68.376,00KM (bez PDV-a).
- (3) **Izvor financiranja:** Proračun Grada Mostara za 2024.godinu, 50.000,00KM- Pametna biciklistička odmorišta Ekonomski kod 821000, , Funkcijska 0491, Organizacijski kod 0801, Fond 444 i 30.000,00KM- Sufinanciranje projekata Ekonomski kod 821000 Funkcija 0491, Organizacioni kod 0801, Fond 111

Članak 2.

- (1) **Javno oglašavanje:** Obavještenje o nabavci broj:1059-1-1-65-3-85/24 objavljeno na PJN dana 06.06.2024.godine

Članak 3.

- (1) **Vrsta postupka nabavke:** Otvoreni postupak
- (2) **Kriterij za dodjelu ugovora:** Najniža cijena tehnički zadovoljavajuće ponude

Članak 4.

- (1) **Broj zaprimljenih ponuda:** 2 (dvije).

Članak 5.

- (1) **Razlog poništenja:** nije dostavljena nijedna ponuda u određenom krajnjem roku (član 69. stav (2) tačka a) Zakona).

Članak 6.

- (1) **Objava:** Odluka će se objaviti na web-stranici www.mostar.ba istovremeno sa upućivanjem ponuđačima koji su učestvovali u postupku javne nabavke.

Dostaviti:

1. Ponuđačima
2. Služba za budžet i financije
3. Tajništvo gradonačelnika/objava na web-stranici
4. u spis
5. a/a



Obrazloženje

Odlukom gradonačelnika Grada Mostara broj:02-11-8858/24 od 15.05.2024 godine pokrenut je postupak javne nabavke Pametnih biciklističkih odmorišta. Obavještenje o nabavci broj:1059-1-1-65-3-85/24 objavljeno na PJN dana 06.06.2024.godine. Ukupna procijenjena vrijednost nabavke je 68.376,00KM (bez PDV-a).

Komisija za javnu nabavku imenovana je Odlukom broj: 02-11-8858/24-1 od 16.05.2024 godine.

Komisija za javnu nabavku je dana 08.07.2024.godine pristupila javnom otvaranju blagovremeno dostavljenih ponuda, sačinila Zapisnik o otvaranju ponuda i konstatirala da su u roku određenom za dostavljanje ponuda, dostavljene 2 (dvije) ponude i to:

1. Ponuđač Vezani obrt „FK MONT“ Široki Brijeg ponuđena cijena 68.100,00 KM (bez uračunatog PDV-a)
2. Ponuđač „GLOVIS D.O.O.“ Zenica ponuđena cijena 67.940,00 KM (bez uračunatog PDV-a)

Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila sljedeće:

1. **ponuda broj 1** Ponuđač „GLOVIS D.O.O.“ Zenica, sa ponuđenom cijenom bez PDV-a u iznosu od 67.940,00 KM
2. **ponuda broj 2** Ponuđač Vezani obrt „FK MONT“ Široki Brijeg, sa ponuđenom cijenom bez PDV-a u iznosu od 68.100,00 KM.

Obzirom da je tenderskom dokumentacijom broj 02-11-8858/24-5 predviđeno provođenje E-aukcije, te imajući u vidu da je nakon ocjene ponuda u predmetnom postupku javne nabavke dostavljeno dvije prihvatljive ponude, Komisija je zaključila da se shodno čl. 4. st. 1. st 4. i st 5.. Pravilnika o uvjetima i načinu korištenja e-aukcije („Sl. glasnik BiH“, br. 80/23) e-aukcija zakaže za 09.07.2024.godine. Nakon završene e-aukcije komisija konstatira da je najpovoljnija ponuda ponuđača

„GLOVIS“ d.o.o. Zenica sa ponuđenom cijenom u iznosu od **32.700,00KM** (bez PDV-a)

Imajući u vidu sve prethodno navedeno, a nakon izvršene analize dostavljenih ponuda, Komisija utvrđuje konačnu rang listu ponuđača čije ponude ispunjavanju formalno-pravne, ekonomske i tehničke uvjete i zahtjeve iz tenderske dokumentacije:

1. Ponuđač „GLOVIS D.O.O.“ Zenica, sa ponuđenom cijenom bez PDV-a u iznosu od 32.700,00 KM
2. Ponuđač Vezani obrt „FK MONT“ Široki Brijeg, sa ponuđenom cijenom bez PDV-a u iznosu od 32.800,00 KM.

Komisija dalje konstatira da je Odluka o izboru najpovoljnijeg ponuđača u postupku javne nabavke Pametnih biciklističkih odmorišta putem pošte Ugovornog organa poslana 20.08.2024. godine.

Točkom 12.1 i 12.2 tenderske dokumentacije broj:02-11-8858/24-5 navedeno je sljedeće.

Ponuđač je dužan u svrhu dokazivanja lične sposobnosti iz članka 45. stavak (1) Zakona dokazati da:

- a) u krivičnom postupku nije osuđen pravosnažnom presudom za krivično djelo organiziranog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registriran;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku obustavljanja poslovne djelatnosti, u skladu sa važećim propisima u Bosni i Hercegovini ili u zemlji u kojoj je registriran;
- c) je ispunio obaveze u vezi s plaćanjem mirovinskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili u zemlji u kojoj je registriran;
- d) je ispunio obaveze u vezi s plaćanjem izravnih i neizravnih poreza u skladu važećim propisima u Bosni i Hercegovini ili u zemlji u kojoj je registriran;

Ponuđač, u svrhu dokaza o ispunjavanju prethodnih uvjeta lične sposobnosti (članak 45. stavak (1) Zakona), dužan je u ponudi dostaviti **popunjenu, potpisanu (od strane odgovorne osobe ponuđača ili osobe ovlaštene za podnošenje ponude od strane ponuđača) i ovjerenu kod nadležnog organa (sud, notar ili općina) Izjavu** koja je sastavni dio tenderske dokumentacije. **Izjava se dostavlja u formi utvrđenoj u Aneksu 3. ove tenderske dokumentacije i ne može biti starija od datuma objave obavještenja za predmetnu nabavku na PJN.**

Ukoliko ponudu dostavlja grupa ponuđača, svaki član grupe je dužan dostaviti ovjerenu Izjavu.

U slučaju da se u ponudi ne dostavi navedeni dokument ili se ne dostavi na način kako je traženo, ponuđač će biti isključen iz daljeg učešća zbog neispunjavanja navedenog uvjeta za kvalifikaciju.

12.2 Ponuđač koji bude odabran kao najbolji u ovom postupku javne nabavke je dužan dostaviti sljedeće dokaze (**original ili ovjerena kopija**) u svrhu dokazivanja činjenica potvrđenih u izjavi i to:

- a) Uvjerenje Suda BiH i nadležnog registracijskog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca.
- b) Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti.
- c) Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za mirovinsko i invalidsko osiguranje i zdravstveno osiguranje;

d) Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem izravnih i neizravnih poreza.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za mirovinsko-invalidsko osiguranje, zdravstveno osiguranje, izravne i neizravne poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze.

Dokaze o ispunjavanju uvjeta je **dužan dostaviti na protokol ugovornog organa, na isti način kako se dostavlja i ponuda, u roku od 5 (pet) dana od dana zaprimanja obavještenja o rezultatima** ovog postupka javne nabavke. Dokazi koje dostavlja izabrani ponuđač ne mogu biti stariji od 3 (tri) mjeseca, računajući od momenta predaje ponude.

Ukoliko ponudu dostavlja grupa ponuđača, svaki član grupe mora ispunjavati uvjete u pogledu lične sposobnosti i dokazi se dostavljaju za svakog člana grupe.

Napomena:

Ukoliko ponuđač u sastavu ponude uz Izjavu o ispunjavanju uvjete iz članka 45. stavak (1) točka a) do d) Zakona (ovjerena kod nadležnog organa) dostavi i tražene dokaze koji su navedeni u Izjavi, oslobađa se obaveze naknadnog dostavljanja istih, ako bude izabran. Dostavljeni dokazi moraju biti originali ili ovjerene kopije i ne mogu biti stariji od tri mjeseca, računajući od dana predaje ponude.

U slučaju sumnje o postojanju okolnosti koje su navedene u točki 12.1. tenderske dokumentacije, ugovorni organ će se obratiti nadležnim organima s ciljem provjere dostavljene dokumentacije i date Izjave iz točke 12.1.

Za kandidate/ponuđače čije je sjedište izvan Bosne i Hercegovine ne traži se posebna nadovjera dokumenata koji se zahtijevaju u stavku (2) članka 45. Zakona.

Ugovorni organ može na period od 12 mjeseci isključiti iz učešća u postupku nabavke kandidata/ponuđača koji se nađe u bilo kojoj od situacija iz članka 45. stavak (5) i (6).

Dakle, Dokaze o ispunjavanju uvjeta je dužan dostaviti na protokol ugovornog organa, na isti način kako se dostavlja i ponuda, u roku od 5 (pet) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od 3 (tri) mjeseca, računajući od momenta predaje ponude. Ukoliko ponudu dostavlja grupa ponuđača, svaki član grupe mora ispunjavati uvjete u pogledu lične sposobnosti i dokazi se dostavljaju za svakog člana grupe.

Nakon potpisane dostavnice 21.08.2024.godine kojom je firma Glovis d.o.o. Zenica zaprimila Odluku o izboru najpovoljnijeg ponuđača u postupku nabavke Pametnih biciklističkih odmorišta Broj:02-11-8858/24-11 od 19.08.2024.godine izabrani kandidat je propustio rok za dopunu dokumentacije.

Komisija dalje konstatira da je dužna postupiti u skladu sa člankom 72. točka 3. stavak a.) Zakona o javnim nabavkama Bosne i Hercegovine „Službeni glasnik Bosne i Hercegovine“, br. 39/14 i 59/22, te Ugovor dostavljan onom ponuđaču čija je ponuda po rang-listi odmah nakon ponude najuspješnijeg ponuđača u slučaju da najuspješniji ponuđač propusti da dostavi originale ili ovjerene kopije dokumentacije iz članka 45. i 47. Zakona o javnim nabavkama broj 39/14 i 59/22.

Nakon potpisane dostavnice drugorangiranog ponuđača 26.09.2024.godine kojom je firma Vezani obrt „FK Mont“ Široki Brijeg zaprimila Odluku o izboru najpovoljnijeg ponuđača u postupku nabavke Pametnih biciklističkih odmorišta Broj:02-11-8858/24-16 od 11.09.2024.godine i ovaj ponuđač je propustio rok za dopunu dokumentacije.

Iz navedenih razloga, primjenom članka 69. stavak (2) točka a) i članka 70. stavak (1), (4) i (6) Zakona o javnim nabavkama („Službeni glasnik BiH“ broj 39/14 , 59/22 i 50/24) odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba, najkasnije u roku od 5 (dana) dana od dana prijema ove Odluke.